

Aterberik gabekoen egoera latzagoa bilakatu du azken egunotako hotzak

Frantzian izan litezkeen 400.000 etxe gabekoetarik bost hil berri dira

Aterberik gabe zeuden bost lagun hotzak hil ziren joan zen astearen amaieran Frantzian. Hotz handiak egiten dituen egun hauetan, karrikan bizi direnei laguntza ekartzeko hartu diren neurri ahulak hitz gogorrez salatu ditu berriz ere Abbe Pierrek, Emmaus lagundiaren sortzaileak. Frantzian, gaur egun, gutxienez 400.000 herritar etxebizitzarik gabe izan litezke.

ALLANDE SOKARROS / BAIONA

Joan zen igande goizean, Mar-seillako metro sarrera batean, 50 urte inguruko gizon bat hotzez hilik aurkitu zuten.

Bere alboan zen beste lagun bat, aldiz, doi-doi salbatu zuten, bere gorputzaren tenperatura 32 gradutara jaitsia baitzen ospitalera eraman zuten unean. Larunbatean, berriz, etxebizitzarik gabe izanik, kalean bizitzera behartuak ziren beste bi lagun hotzaren ondorioz hil ziren, La Rochellen (Charente Maritime) eta Les Murcaux (Yvelines) hirietan.

Aterberik ez dutenen egoera tamalgarria urte guztikoa den arren, neguaren etorrerak are latzagoa bilakatzen du, batez ere azken egun hauetan bezala, hotz handiak egiten dituelarik Frantzian. Parise eta inguruetan, 40.000 lagun karrikan bizitzera behartuak izan litezkeelarik, larrialdi uneetarako aterbegueneen eskasiari aurre egiteko, Simone Veil Gizarte Arazoetarako eta Osasun ministroak



Hotzak aterberik gabeko bost lagun hil ditu asteburuan Frantzian.

Etxe okupazioen aurka

A. S. / BAIONA

■ Frantzian, gutxienez 400.000 lagun aterberik batere gabe eta beste zortzi milioi inguru baldintza oso txarretan aterbetuak bizi direlarik, eskuineko hiru diputatuk etxe okupatuetan egoten direnen zigortzeko lege bat aurkeztu nahi lukete. Bernard Pons (RPR), Laurent Dominati (PR) eta Claude Goasguen (CDS) di-

putatuek moldatutako «etxebizitzaren lege kanpoko okupazioari aurre egiteko eta zigortzeko» legea ontzat hartu zuen Legebiltzarreko lege batzordeak, joan zen azaroaren 10ean.

Testu horren arabera, etxebizitza hutsak okupatzen dituzten kanporatzeko ahalak ugaltzeaz gain, beraiei laguntza ekartzen dietenak ere gogor zigortuko lituzke indarrean jarritz gero.

utzitakoa den metroaren Saint Martin geltokia zabaltzeko agindua eman du aurreneko. Gune honetan, 104 ohe aterberik ez dutenen esku jarriak dira, arratsko 20.00etatik biharamun gizaldera arte.

Bestalde, Pariseko Udalak jakinarazi du, 6.000 ohe gehiago, kalean bizi direnei harrera egiteko moduan jarri dituztela azken egunotan. Udal honek berak ere, maiz osasun arazo larriak pairatzen dituzten jende hauen alde 'SAMU-social' artatze zerbitzu berezia abian jarriko du, datorren abenduaren 15etik hasita.

ABBE PIERRE HASERRETUA Neurri horien eskasa eta ahulkeria etengabe salatu egin ohi duenez, Abbe Pierre apaizak hitz gogorrak aditzera eman zituen joan zen larunbatean eta berriro ere agintari politikoen jokaera bipilki salatu zuen. Aspalidanik txirotasunaren aurkako guduka bat daraman Emmaus lagundiko sortzaileak iritzi zionez, «Frantzia lotsagabekeria bizi da; badakigu bi milioi t'erdietan etxebizitza eskas direla gutxienez eta horiek horrela beste hildakorik izango da».

Politiko arduradunen ezaxola hitz gogorrez salatu ondoren, Abbe Pierrek zera gehitu zuen: «Gerraren egiteko balitz, diru ahalak atzemanen lituzkete». Egoera honi, hein batean, aurre egiteko gisan, Pierre abadeak, Frantzian zehar 13 'elkartasun gune' eratuko direla jakinarazi zuen, toki horietan, karrikan bizi direnek, laguntza eta artatzeak aurki ditzaten. Joan den urteko neguan, aterberik gabe zeuden 15 lagun hotzez hil ziren.

Politiko arduradunen ezaxola hitz gogorrez salatu ondoren, Abbe Pierrek zera gehitu zuen: «Gerraren egiteko balitz, diru ahalak atzemanen lituzkete». Egoera honi, hein batean, aurre egiteko gisan, Pierre abadeak, Frantzian zehar 13 'elkartasun gune' eratuko direla jakinarazi zuen, toki horietan, karrikan bizi direnek, laguntza eta artatzeak aurki ditzaten. Joan den urteko neguan, aterberik gabe zeuden 15 lagun hotzez hil ziren.

Hil honen 30ean IUn sartzeko asmoa du LCRk

MADRIL

Liga Komunista Iraultzailea (LCR) Izquierda Unidan (IU), sartuko dela iragarri dute talde troskista honetako ordezkariak. LCRk Izquierda Alternativa plataforma osatu zuen 1991ko azaroan Movimiento Comunistarekin (MC) batera, baina orain batasun hau utziko du, 'El Mundo' egunkariak zabalduko informazioaren arabera.

Hil honen 30ean gauzatu da LCRren sarrera. IUn sartuko diren LCRko burukideen artean Joaquin Nieto CCOOko zuzendaritzako kidea, Miguel Romero 'Viento Sur' aldizkari zuzendaria, Jaime Pastor unibertsitateko irakaslea eta Jesus Albarracin eta Pedro Montes ekonomilariak daude.

Herrialde pobreenzat laguntza eske gose greban

MADRIL

Giza Eskubideen aldeko Elkarteko bost kidek hamargarren eguna beteko dute gaur gose greban, Gobernuak Espainiako Barne Produktu Gordinaren (BPG) % 0,23 herrialde pobreei ematea eskatzeko. Gose grebarien arabera, Gobernuaren laguntzak Barne Produktu Gordinaren % 0,7ra iritsi behar du. Grebariek ehundaka lagun laguntza izan dute asteburu honetan.

Ultraeskuindarrek Madrilen jipoitu zuten gaztea ospitalean hil egin da

MADRIL

Jesus Sanchez Rodriguez 27 urteko gaztea hil egin zen atzo Madrilgo Ospitale Klinikoa, herenegun ultraeskuineko 'skinhead' edo kaskamotzen eman zituen jipoien ondorioz. Jesus Sanchez arratsaldeko hiruretan hil zen, egun oso bat hilzorian egon ondoren.

Jesus Sanchez Madrilgo erdialdeko plaza batean haxixa errotzen ari zelako eraso egin zitoten skinheadek, herenegun goizez, Madrilgo erdialdean ultraeskuindar eta faxisten aurka koen artean izan ziren borroken barne. Istilu horien ondorioz, hamar lagun zauriak jasan zituz-

ten —horietarik hiru larri daude eta Sanchez Rodriguez oso larri— eta 28 lagun atxilotu zituen Poliziak. Atxilotuetatik 13 epailearen esku geratu dira.

Poliziak «oso zaila» ikusten du Jesus Sanchezen erasotzaileak aurkitzea, orain arte ez baita lekukorik eta eraso egin zioten lekuan inork ez baitzuen kaskamotzik ikusi. Sanchez gaztea bera izan zen erasotzaileak skinheadak izan zirela bere aitari esan ziona, konortea galdu aurretik jipoia jasan zueneko lekutik bere etxera odoletan bustirik egin ondoren.

Françisco Franco diktadorearen eta Jose Antonio Primo de Rivera Falangearen sortzailearen

heriotzen urteurrena ospatzen zela eta, ultraeskuindarrak eta faxistak Madrilgo Oriente Plazan elkartu ziren ohi duten moduan. Bere garaian jendetsua zen ekitaldi honetara 3.000 eta 6.000 pertsonen artean bildu ziren aurreneko iturri desberdinen arabera. Horien artean Europa osotik Madrilera etorritako faxistak eta skinhead taldeak zeuden. Blas Piñar Espainiako Fronte Nazionalako burua ez zen ordea Oriente Plazan egon, joan den urtean ez baitzioten hitz egiten utzi.

ARRAZAKERIAREN AURKAKO MANIFESTALDIA

Ekitaldia amaituta, ehundaka gazte Madrilgo erdialdean da-



Naziek erasotako gaztea hil egin da.

EFE

goen Tirso de Molina plazara abiatu ziren, bertan faxismoaren eta arrazakeriaren aurkako talde ezkertiarak elkartzeko baitira egun honetan. Igandean mila lagun inguru bildu ziren ezkerreko taldeen manifestaldi honetan,

'Corcuera Legearen' eta Atzerriarren Legearen aurkako oihuak eginez. Borroken ondorioz zauritutako lagun artean Puerta del Sol-eko metroaren sarreraren nazien labankadak jaso zituzten ezkerreko bi gazte daude.